

LA
DECLARATION
DE
MESSIEVRS
LES DEPVTE'Z DE
BEARN FAICTE
AV ROY,

En la Ville de Poictiers le 8. Septembre
1620.

*Avec leur Harangue, leur Submission, &
la Reunion, de la Prouince.*



A PARIS,
Chez Adrian Bacot, rue S. Iacques,
deuant la rue Frementel,
M. DC. XX.
Avec Permission.

Case


F

39

1326

1620 dc

THE NEWBERRY
LIBRARY



LA
DECLARATION

DE

MESSIEVRS LES DE

PVTEZ DE BEARN FAICTE

AV ROY,



Eaucoup d'hi-
stoires nous
font foy, que
ceux qui ont
voulu temerai-
rement deffen-

dre & opiniastrer leur aduan-
tage contre leurs Maistres &
Superieurs, ont esté finale-
ment reduicts & rangés a l'ex-
tremité d'une obeissance, for-

A ij

cée pour recognoistre la re-
 merité de leur audace : c'est
 vn axiome qui ne reçoit point
 d'antilogie *que les subiectz doi-*
uent obeir à leur Roy: les loix di-
 uines & humaines nous ensei-
 gnent clairement que nous
 debuons en tout & par tout,
 soubzmettre nos cœurs aux
 volontés de nos Princes, voi-
 res mesmes l'escriture passe
 iusques là, que nous leurs de-
 uons l'honneur, le respect, &
 l'obeissance, fussent ils leuere,
 rigoureux, & tyrans: les Roys
 sont tellement chers du Ciel,
 que DIEU les à esleus pour
 ses Lieutenans & intendants
 sur les Monarchies du monde,
 & ceux qui contreuient à
 la submission de leurs decrets

5
sont accusés d'impieté: & l'im-
pieté à proprement parler se
reserue, & se remarque au
mespris de la diuinité.

Les Peuples de la France,
& ses Prouinces sont diuisées
de foy, mais toutes reçoient
vne mesme loy, recognoissent
vn mesme DIEU en cecy dif-
ferent ils de l'obseruance des
ceremonies, des poinctz que
les Theologiens debattent en-
tre-eux) seruent vn mesme
ROY, & tous viuent en vne
mesme obeissance, sans se mo-
lester en leur particulier: il est
vray que les adioincts du Roy-
aume, comme le BERN,
qui est vne souueraineté, qui
des les aages passés a esté con-
ioincte à la Couronne Fran-

goise, & subiecte aux mesmes
debuoirs que les François, re-
serué les Priuileges qu'il à
receu des ROYS : ont fran-
chycette loy : cette Prouin-
ce est à l'vne des extremités de
la France, separée de l'Espa-
gne par les Montz Pyrenées,
qui jadis fust toute Catholi-
que, & la moins infectée d'he-
resie, les Habitans y seruoient
DIEU en bonne, vraye,
& semblable deuotion: le pays
n'est pas de longue estendue
mais fertile, & plaisant: le def-
funct Roy y n'asquit, à Pau,
la principalle Ville, & y fust
esleué iusques à la discretion,
& cognoissance de son ieune
aage : il est arriué, par la fa-
ueur de l'vne de nos Roynes,

que ceux de la Religion y ont esté introduictz, & ont tellement pullulé depuis qu'aujourd'huy cette Prouince leur est du tout subiette, & y sont les maistres, au preiudice des Catholiques, qui se pleignent qu'on leur interdit l'exercice de leur deuotion, & qu'on y profane leurs Autels, faisant seruir leurs sacrés edifices dédiés au pur seruice de DIEU, pour y prescher le contraire de la verité: & mesme qu'on leur anticipoit, & retenoit les Benefices, de l'emolumentz desquels ils peussent estre entretenus pour seruir à l'Eglise.

Le Roy, Pere de Iustice, qui veut pouruoir à tous les deffaulz de son Estat, & qui

veut entretenir tous les peuples en amitié & concorde, à voulu y donner ordre, & rendre à Cæsar ce qui appartenoit à Cæsar: mais les Bearnois ne pouuant obeir aux volontés du Roy, sans se despouiller de beaucoup de richesses, illegitimement par eux possedees, ont differé et dilaye' l'exécution de ce commendement tant qu'ils ont peu: et voyant que la Iustice, et la raison les vainquoient sans autres forces, arresterent en leurs assemblees de venir rapporter leur obeissance, leur vie, et leurs biens aux pieds de la Iustice de nostre Roy, et se soubsmirent à sa volonté par ses paroles.

HARANGVE



H A R A N G V E

D E

MESSIEVRS DE BEARN

PRONONCE'E AV ROY,

Par les Duputéz de ladicte

Prouince.

I R E,

S

C'est à nostre
grand regret,
que nous a-
uonstant dóné
de peine à vostre Maïeste',
et nous sommes extremement
faschés de n'auoir peu si prom-
ptement executer vos com-
mendemens, et en cela n'a-

B

uons nous point voulu paroître refractaires à vos ordonnances, ni rebelles à vos loys: le temps qu'il pleust à vostre Maïeste' nous octroyer, sur la surseance de nostre arrest, à ceste' soigneusement employe' à rechercher les moyens de satisfaire à vostre volonte' comme vos humbles subiectz et seruiteurs.

Par l'hereditaire possession de nos Peres, les benefices ont este' alienés en la distribution des familles, tellement, SIRE, que nous auons beaucoup travaillé à ramasser le nom, et les biens de ceux, qui en ont iouy auant nous: nous auons cette affaire si embrouillee', q

difficilement pourons nous la
racómoder, que par l'auctho-
rite' de vostre iustice, que nous
implorons, et coniurons par
nos obeissances à la charité
pour nous qu'il vo⁹ plaise: Sire,
entendre que plusieurs de
nous n'ont autres commodi-
tés que celles qu'on nous de-
mande: les benefices qu'on
requiert de nous ont este' vé-
dus, engages, et permutés, si
bien qu'il y à vne' extreme dif-
ficulté à desambarssaer toutes
ces affaires: mais puis qu'il à
pleu à vostre Maiesté' nous
honorer de vos commende-
mens; nous obliger par vostre
clemence, et nous asseurer de
conseil par vostre misericorde,

nous nous rangeons, Sire, auprès de vous, et vous rapportons entierement nostre integrité, et protestons à vostre Maïeste, que nous sommes prestz et disposez à recevoir vos commandements, à suiure vostre volonté, et rendre le bien dõt nous auons iouy iusques à present.

Mais, Sire, nous vous supplions humblement, que nous conseruant la liberté, que le deffunct Roy, nous a acquise, il plaise à vostre Maïeste auoir pitie' de nous, nous maintenir par sa dextre, nous deffendre par sa force, nous conseruer par sa puissance, et nous reunir et raccorder tous ensemble,

pour qu'animét, et d'une me-
me voix, nous puissions bien
heurér vostre regne, par le ze-
le de nos prieres.

Le Roy trouua bon, & loua
grandement le dessein de Mes-
sieurs de Bearn, & leur resolu-
tion, & en mesme instant leur
promit assistance en leur ne-
cessité, & fut fort joyeux de
voir tous les peuples de son
Royaume les vns apres les au-
tres venir recognoistre l'Autel
de sa Royauté, pour y sacrifier
le vœu de leur fidelité: Messie-
urs de la Rochelle ne si sont
point espargnés, qui comme a
leur souuerain Seigneur, & mai-
stre, ont iuré pour tous ceux
de leur ordre vne perpetuelle

obeissance au Roy.

Maintenant les euesques de Bearn auront libre iouissance de leur Diocese, & les Beneficiars de leurs Benifices: Voicy vne chose digne de remarque, que tous le Bearn n'a que deux Eueschez, assauoir Oloron, & Lescart, & encore les deux Euesques en estoient ils d'ordinaire absents, pour la raison que messieurs de la Religion pretendue tenoient le meillieur de leur bien, & mesme leurs eglises, ou ils preschent, principalement en la Ville d'Orthaix; ou le presche se fait tous les iours dans l'Eglise saint Pierre, paroisse de ladite ville: Cy apres il faudra

qu'ils edifient vn temple, car
ils restitueront, & rendront tout
entierement ce qu'ils retienēt,
et possèdent appartenant aux
Catholiques : Dieu y à voulu
mettre la main, car s'y ils n'eus-
sent esté portés de cœur à ren-
dre obeissance au Roy, verita-
blement ils n'eussent sceu sub-
sister, c'est vne proposition
sans antithese, *qui est des-obeis-
sant à son Roy, sera confondu, &
perira.*

F I N.

